

25 Februari 2020  
Untuk Hebahan Segera



**KENYATAAN MEDIA**  
ISLAMIC RELIEF MALAYSIA

**KEMPEN RAMADAN BERSAMA-SAMA SATUKAN 32 NEGARA**

**Bangi** – Islamic Relief Malaysia hari ini melancarkan kempen Ramadan Bersama-sama bagi meneruskan projek bantuan pek makanan untuk bulan Ramadan yang bakal tiba dua bulan lagi.

Ketua Pegawai Eksekutif Islamic Relief Malaysia, Zairulshahfuddin Zainal Abidin berkata pihaknya memandang serius akan keperluan makanan sesebuah keluarga bagi menghadapi bulan puasa.

“Islamic Relief secara keseluruhannya sedaya upaya untuk membantu seramai mungkin penerima manfaat di seluruh dunia menerusi agihan pek makanan di bulan Ramadan.

“Selaras dengan agenda ‘Sustainable Development Goals’ yang ke-2 iaitu ‘Zero Hunger’, Islamic Relief berharap agar keluarga-keluarga yang dibantu ini dapat memberi fokus pada urusan ibadah tanpa perlu memikirkan bagaimana untuk mendapatkan sedikit makanan bagi juadah bersahur dan berbuka,” kata Zairul sempena pelancaran kempen Ramadan Bersama-sama.

Kempen program bermusim tahunan Islamic Relief itu semakin mendapat tempat dalam kalangan masyarakat Malaysia apabila ia menjadi salah satu kempen yang ditunggu-tunggu saban tahun.

“Tahun ini, Islamic Relief Malaysia menyasarkan kutipan dana sebanyak RM2.5 juta melalui kempen Ramadan Bersama-sama bagi membantu 59,250 penerima manfaat di 32 buah negara termasuk Malaysia, Myanmar, Yaman, Syria, Palestin, Somalia, Kosova dan lain-lain,” tambah Zairul.

Menurut Zairul lagi, negara-negara yang bakal menerima pek bantuan makanan itu memenuhi kriteria tertentu seperti; negara yang mempunyai populasi yang tinggi dan mengalami ancaman nutrisi dan makanan, negara yang menghadapi kemelesetan ekonomi dan menampung jumlah penduduk yang tinggi dan tinggal di bawah paras kemiskinan serta negara yang mengalami krisis kemanusiaan yang berterusan.

Bagi kempen Ramadan Bersama-sama ini, Islamic Relief Malaysia menyediakan dua pakej sumbangan mengikut negara tertentu iaitu RM180 dan RM300 bermula 25 Februari 2020 hingga 23 Mei 2020.

<b>Pakej</b>	<b>Negara</b>
RM180	Malaysia, Sri Lanka, Bangladesh, Niger, Mali, Chechnya, Bosnia, Lubnan, Albania, Tunisia, Myanmar, India, Chad, Filipina, Kosova, Afrika Selatan, Jordan, Nepal, Malawi, Pakistan, Kenya & Sudan.
RM300	Syria, Palestin, Ethiopia, Indonesia, Afghanistan, Macedonia, Sudan Selatan, Somalia, Turki & Yaman.

Orang ramai yang ingin menyumbang untuk pakej bantuan pek makanan Ramadan Bersama-sama boleh berbuat demikian di laman sesawang [www.islamic-relief.org.my](http://www.islamic-relief.org.my) atau hubungi 03-8926 3434 untuk maklumat lanjut.

### **Pek Makanan Ramadan**

Agihan pek makanan Ramadan merupakan program bermusim yang dikelola oleh Islamic Relief dalam memberi bantuan makanan asas kepada penerima manfaat dari pelbagai negara untuk bekalan sepanjang bulan Ramadan. Ia meliputi makanan asas seperti beras, tepung, jagung, pasta, bijirin, kacang, daging dalam tin, minyak masak, gula, uncang teh, dan kurma mengikut keperluan asas negara masing-masing.

Islamic Relief Malaysia menyasarkan agihan sebanyak 6,022 pek makanan Ramadan di seluruh negara manakala 8,850 pek makanan di 32 buah negara.

<b>Tahun</b>	<b>Agihan Tempatan</b>	<b>Agihan Antarabangsa</b>	
	<b>Jumlah Pek Makanan</b>	<b>Jumlah Pek Makanan melalui Islamic Relief Malaysia</b>	<b>Jumlah Pek Makanan melalui Islamic Relief keseluruhan</b>
2016	6,043	5,270	188,834
2017	5,631	2,905	240,669

2018	6,000	3,540	299,163
2019	7,387	8,789	311,436
2020	6,022	8,850	235,000

*Agihan Pek Makanan Ramadan Islamic Relief Malaysia (2016-2020)*

### **Mengenai Islamic Relief**

Islamic Relief merupakan sebuah organisasi bantuan dan pembangunan kemanusiaan antarabangsa yang ditubuhkan pada tahun 1984 dan beribu pejabat di Birmingham, United Kingdom. Islamic Relief berkhidmat di lebih 45 buah negara dan telah membantu lebih daripada 120 juta orang sejak beroperasi. Skop bantuan Islamic Relief merangkumi bantuan kecemasan, pembangunan mampan bersepadu, pengurangan risiko bencana dan advokasi.

### **Mengenai Islamic Relief Malaysia**

YABhg. Tun Dr. Mahathir Mohamad telah merasmikan penubuhan Islamic Relief Malaysia pada tahun 2005, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjana dana dan pelaksana projek tempatan dan antarabangsa.

Untuk mendapatkan maklumat lanjut mengenai program kemanusiaan Islamic Relief Malaysia, sila layari laman web rasmi [www.islamic-relief.org.my](http://www.islamic-relief.org.my) atau hubungi talian tetap 03-8926 3434.

Sebarang sumbangan boleh disalurkan melalui akaun berikut atas nama Islamic Relief Malaysia:

**MAYBANK ISLAMIC | 5621 4270 8704**

**MBSB BANK | 1005 0251 0000 0166**

**CIMB ISLAMIC | 860 2073818**

**BANK ISLAM | 12 029 01 006564 3**

**AFFIN ISLAMIC | 10 671 000278 4**

**BANK RAKYAT | 11080 10000 35**

atau melalui :

**CHARITY SHOPPE | TUNAI atau KAD KREDIT**

Zairulshahfuddin Zainal Abidin,

Ketua Pegawai Eksekutif  
Islamic Relief Malaysia

- Tamat-

---

**Dikeluarkan oleh,  
Islamic Relief Malaysia-Reg No: 657354-W  
A-05-1, Paragon Point, Jalan Medan PB5, Seksyen 9,  
Pusat Bandar, 43650 Bandar Baru Bangi, Selangor**

Untuk maklumat lanjut, sila hubungi **Bahagian Komunikasi Strategik**  
di talian 03-8926 3434, faks 03-8925 3434 atau  
emel: [Malaysia.Media@islamic-relief.org.my](mailto:Malaysia.Media@islamic-relief.org.my)  
Aduan atau maklum balas: [feedback.irmalaysia@islamic-relief.org.my](mailto:feedback.irmalaysia@islamic-relief.org.my) atau  
WhatsApp: [+6019-630 9788](https://wa.me/60196309788)